

Y Pwyllgor Iechyd a Gofal Cymdeithasol

Lleoliad: Ystafell Bwyllgora 1 – Y Senedd

Dyddiad: Dydd Mercher, 26 Mawrth 2014

Amser: 10.30 – 12.03

Cynulliad
Cenedlaethol
Cymru

National
Assembly for
Wales



Gellir gwyllo'r cyfarfod ar Senedd TV yn:

http://www.senedd.tv/archiveplayer.jsf?v=cy_200000_26_03_2014&t=0&l=cy

Cofnodion Cryno:

Aelodau'r Cynulliad:

David Rees AC (Cadeirydd)
Leighton Andrews AC
Rebecca Evans AC
Janet Finch–Saunders AC
Elin Jones AC
Darren Millar AC
Lynne Neagle AC
Gwyn R Price AC
Lindsay Whittle AC
Kirsty Williams AC

Tystion:

Mark Drakeford AC, Gweinidog Iechyd a Gwasanaethau
Cymdeithasol.
Dr Sarah Watkins, Llywodraeth Cymru
Chris Tudor–Smith, Llywodraeth Cymru

Staff y Pwyllgor:

Llinos Madeley (Clerc)
Chloe Davies (Dirprwy Glerc)
Victoria Paris (Ymchwilydd)

1 Trafod cynllun gwaith y Pwyllgor ar gyfer yr ymchwiliad i'r cynnydd sydd wedi'i wneud hyd yma ar weithredu Cynllun Cyflawni ar gyfer Canser Llywodraeth Cymru

1.1 Gwnaeth y Pwyllgor drafod, diwygio a chytuno ar gynllun gwaith ar gyfer yr ymchwiliad i'r cynnydd sydd wedi'i wneud hyd yma ar weithredu Cynllun Cyflawni ar gyfer Canser Llywodraeth Cymru.

2 Trafod blaenraglen waith y Pwyllgor ar gyfer tymor yr haf 2014

2.1 Bu'r Pwyllgor yn trafod ei flaenraglen waith ar gyfer Ebrill – Gorffennaf 2014.

2.2 Cytunodd y Pwyllgor i wahodd swyddogion y Llywodraeth i ddarparu papurau briffio ffeithiol, ar gyhoedd, ynghylch Papur Gwyn Iechyd y Cyhoedd sydd ar ddod a'r rheoliadau drafft ar feini prawf cymhwysedd sy'n deillio o'r Bil Gwasanaethau Cymdeithasol a Llesiant (Cymru).

2.3 Yn unol â Rheol Sefydlog 17.34(ii), pleidleisiodd y Pwyllgor ar y cynnig a ganlyn, a gynigiwyd gan Elin Jones AC, ac a dderbyniwyd gan y Cadeirydd heb rybudd yn unol â Rheol Sefydlog 17.44:

Bod y Pwyllgor Iechyd a Gofal Cymdeithasol yn neilltuo amser mewn cyfarfod yn y dyfodol i glywed tystiolaeth gan y Gwir Anrhydeddus Ann Clwyd AS, os ydyw ar gael, ynglŷn â'i gwaith mewn perthynas â chwynion ynghylch y GIG yn Lloegr a'r dystiolaeth y mae wedi cyfeirio ati yng nghyswllt cwynion ynghylch y GIG yng Nghymru.

Dyma ganlyniad y bleidlais:

O blaid	Yn erbyn	Ymatal
Elin Jones Darren Millar Janet Finch-Saunders Lindsay Whittle Kirsty Williams	Leighton Andrews Rebecca Evans Lynne Neagle Gwyn Price David Rees	0
5	5	0
Gan fod y bleidlais yn gyfartal, defnyddiodd y Cadeirydd ei bleidlais fwrw yn negyddol, yn unol â Rheol Sefydlog 6.20(ii). Felly, gwrthodwyd y cynnig.		

3 Cyflwyniadau, ymddiheuriadau a dirprwyon

1.1 Ni chafwyd ymddiheuriadau.

1.2 Croesawodd y Cadeirydd y Gweinidog Iechyd a Gwasanaethau Cymdeithasol a'i swyddogion i'r cyfarfod.

4 Ymchwiliad i argaeledd gwasanaethau bariatrig: Sesiwn dystiolaeth 2

4.1 Holodd y Pwyllgor y Gweinidog Iechyd a Gwasanaethau Cymdeithasol ynghylch argaeledd gwasanaethau bariatrig.

4.2 Yn ystod y sesiwn, awgrymodd y Gweinidog y byddai'n darparu gwybodaeth am y goblygiadau i'r GIG o ran cost y gwaith o roi llawdriniaethau cywirol i gleifion sydd wedi cael llawdriniaethau bariatrig y tu allan i Gymru.

Yn unol â Rheol Sefydlog 17.47, gohiriodd y Cadeirydd y cyfarfod rhwng 11.58 a 12.00

5 Papurau i'w nodi

5.1 Nododd y Pwyllgor y papurau o'i ymchwiliad i argaeledd gwasanaethau bariatrig a llythyrau gan sefydliadau allanol yn cynnig ymchwiliadau i'w cynnal yn y dyfodol.

5.1 Gwybodaeth ychwanegol o'r cyfarfod ar 13 Chwefror 2014

5.2 Nodyn a gofnodwyd yn y cinio i drafod gwaith gydag academyddion Prifysgol Abertawe, 13 Chwefror 2014

5.3 Nodyn a gofnodwyd yn y cyfarfod â chynrychiolwyr Sefydliad Llawdriniaeth Gordewdra a Metabolaidd Cymru, 13 Chwefror 2014

5.4 Nodyn a gofnodwyd yn y digwyddiad grŵp ffocws, Cwmbrân, 12 Mawrth 2014

5.5 Gohebiaeth gan Goleg Nyrsio Brenhinol Cymru – awgrym i gynnal ymchwiliad i nyrsio cymunedol

5.6 Gohebiaeth gan Crohn's and Colitis UK – awgrym i gynnal ymchwiliad i roi canllawiau cenedlaethol ar glefydau llid y coluddyn (IBD) ar waith